



Poex: 1246





2530


1869 11. 387











Frid. Zamell

EPIGRAMMATUM

Liber XV.

ELBINGÆ

Typis BODENHAUSIANIS

Anno M. DC. XLIII.

Ad Cleio.

Hinc procùl ad Rhodanum patriis impellimur
Euris.

Accipe me gremio Chloris amica Tuo.

Hac utinam possem pro Te mea dicere Cleio,

Ac foret exigui temporis illud iter.

Nil ego promoveo Patriæ de compede rerum.

Quid tamen, ingenio si datur ire, querar?

Hugoni Marcello Aseclæ sive Asclæ de
Sorio, viro Illustri ac Magnifico.

Nondum hiems decesserat, sed ejus asperitatem nonnulla cœli clementia fregerat: quum eodem mecum invitata Jove conjux mutato cum vernâ agrorum hilaritate Urbis situ in apertos campos progreditur, ac quâ protritior callis in apricum ferebat colliculum sex violis incidit, meq; iisdem advertit. Curiosior ego per proxima oculos circumferens bistotidem conspici flosculos: tum mihi uti cum Romulo de augustiori auspicio gratulatus eò magnopere gestire, quòd in violis peperisse mater ajebat, ex me cum illud nomen adepta esset. Facile persuasus sum nondum ephebos egressus, sanctissimâ etiam in lubrico parentum fide apud liberos. At postquam momenta rerum ætate firmior contulissem; vidi eosdem mihi natales esse, quos Univerſi constituit Dictator Iulius. Verum utcumq; aut ubicumq; enixa sit illa, gratias egi Superis, qui me iterum vertente anno in hanc amœnitatem salvum felicemq; conservassent. Earumce rerum ergò bonas etiam preces precatus sum, ut isthunc animi vigorem ad extremam usq; senectutem integrum vellent, familiam sospitarent, pariterq; hos, qui præteream nobis sunt conjunctissimi. De illâ mitto; pauca de amicis loquar. Ii sunt, quibus sine nec commodè sapiens nec jucundè vitam agit, quamdiu extra deorum consortium his rebus fruitur; felicitasq; somnium est. Sed Te præcipuè respicio, Nobilissime Celzarum, mi Aseclæ: qui raro, nisi in domo Tuâ, exemplo à literarum studiis inter arma respiras, rursus ab armis ad literarum otia regrederis, nihil ab animi contentione remittens in utriusq; curæ

bivio; omnium sincerus cultor, Tuas qui artes & honestatem colunt. Amicitiam Tuam non ambii, nec ausus: quod neq; mihi oportunitas daretur, neq; Tibi utilitas ostenderetur, si ad eam me conferendi consilium suscepissem. Tulevi officio illectus in meis numquam visi neq; umquam videndi nomen tuum ultro professus es. Symbola amoris Tui ac pignora apud me sunt. Quæ quamti faciam, non dico: proluxioribus literis omne meum gaudium de Tuâ in me voluntate ac studio exortum in sinum Tuum jam effudi. Quo exsolvam? Cum non sit, quo possim; grati animi indicio veniet hic foetus meus forte an postremus eorum, qui eandem cum Pallade ortus nobilitatem sibi vendicant: nisi quod ista deum, illi hominem parentem habent. Ita penè decrevi, postquam quinquagenario major de lucro vivere incipio: etsi omni literaturâ atq; his sermonibus, qui inter pedestres sunt, mihi non interdixerim. Sed eum, à quo digressus sum, emancipo: Tu adrogabis sine sumtu, sine molestiâ apud Te futuram sobolem, etiam eò gratissimam, quod pater ego naturâ fuerim. Præterea autem superstitionem adhibui, Veneri non minùs Gratiisq; eam nuncupando, ab harum quoq; commercio Tibi commendaturus id, quod Poëtæ æquè atq; parentes amant tenerrimè. Vale, idq; curami Asecla. Dabam Elbingæ Calendis Aphrodisiis anno f. n. M. DC. XLIII.

*Illustratis Tue
observantiss.*

Frid. Zamelius.

Ad Venerem.

Dum Superis litat omnis ager, placidusq; reviviscit
 Iupiter hiberno luctatas frigore terras,
 Luxq; oculos jucunda ferit, rerumq; venustas
 Humanos animos studiis majoribus implet;
 Et nos Phœbigenæ cœlo meliore fruamur,
 Alma Venus, quicumq; solo dominaris & alto.
 Quâ pecudum campis se grex effundit apertis,
 Et volucrum voces pastorum imitantur avena:
 Quâ mare veli volum Nerëia turba pererrat,
 Aut tener exiguo se gobio fonte tuctur.
 Iam venit, ac venit lætis invisa senectus;
 Diva potens: aliquâ differ morosius ævum:
 Et mihi, quo fueram nondum vergentibus annis;
 Quo me non penitus voluit regnator Apollo
 Defectum: hoc animi, Phœbo simul, affere robur,
 Hoc nullo fractum morbi tentamine corpus.
 Portio nos Vates magnis sumus addita divis,
 Ad quos ætherii veniunt spiracula mundi.

Ad Charites.

Dulcicula Charites, Vos semper amica sororum,
 Copula tēnarum, nasci Iove digna propago,
 Vos quarum cecini tactus præcordia thyrso;
 Quicquid id est, quo res colui divumq; virumq;
 Vester honos Nimsæ est. Vos pellexistis euntem,
 Primum humili pavidoq; gradu, præsensq; fuistis
 Numen ad annosi senium declivæ Poëtæ.
 Sumite, quod vestrum est, & erit dum carmina condant,
 Heic ego nunc pando, Vatum quod nemo priorum
 Vulgat, & est nostro promissum seriùs ævo.

Tu Charitum fies Schurmannia prima mearum,
Tu Memorata dein, Tu Corbiniana deinceps.

Ad Musam.

INvenies mea Musa virum, cui mitteris, inter
Arma vel innocuos organa nostra libros.
Illud an hoc coram studium tractarit Aescles,
Ne refer à campo liminibusq; pedem.
Quovis grata loco, quâvis accesseris horâ,
Telâq; Te visâ ponet amicus Eques.

Ad Catharinam conjugem.

CAthara, vides illud jubar? mea Cathara
Viden?, animum ut diffundat hæc serenitas?
Quin imus extra turbidum pomærium
Ad proximorum fontium crepidines.
Cave quod paras, hoc noverit salaputium.
Herebit, occupabit inter lacrimas
Nisi duxeris. Nisi Tibi grave, simul ambulet.
Sed gerula ponè sit manus, si lassior
Prolixitate viæ velit gestarier.

De Venere.

CEsserat acre gelu: nec erant sine frigore noctes,
Atq; aliquis tepidis Solibus horror erat.
Ver erat: & violas rarus jam cespes habebat:
Ibat ad irriguos præjuvenis agros.
Et Venus in silvis & Amor favestratus agebant:
Purpureum violæ cum videt iste decus:
Cum Veneris tenera liverent frigore mala,
Et visa est violas inde referre Venus.

*Siccine mater, ait, violas imitaris in algu,
Æmulag³ es rubris Sole calente rosis?
Objurgans puerum voluit Cytheræa videri,
Quicquid habent flores, antè fuisse suum.*

Eadem in violis.

M Vlciher ad Venerem, postquam procùl ire parasset,
Dic ubi sis, inquit, vere futura novo?
Aspera jam inclinârat hiems. Cytheræa marito,
Inveniar solis, reddidit, in violis.

Amor in rosis.

A Lma Venus dulci requiêrat lumina somno,
Cum procùl aufugit deliciosus Amor.
Evigilans puerum terrâ quasi vit & alto,
Quem tandem Paphio flore jacere videt.
Obstupuit, sensimq³ suos missura dolores,
Et quò non abis, dixit, amore Tui?
Quos, rogat ille, locos quas partes mater adisti?
Cui Venus: Aënaeos Lemniacosq³ lares.
Illeic quære virum, dixit puer, heic Tibi natum,
Mater, in hos regnat rure Cupido Taus.

Mars in liliis.

P Resserat incumbens albentia lilia Mavors.
Vidit eum letam Cypron itura Venus.
In nullâ dixit jacuisse venustius herbâ.
Quæsiuit causam, qui comes ibat, Amor.
At Cypris: hæc rerum facies est æmula nostræ,
Et niveus flos & sanguine tincta chlamys.

De

De Minutio.

Maledicere mihi dicitur Minutius,
Minutius Vatum omnium deterrimus.
Idem omnium tenebrionum acerrimus.
Nihil imprecor: sed quæ malignus invidet,
Mibi firma sint desum favore cœlitum.
Si quæ imprecatur, à me in illum deprecor.

Ad Cœlium.

Volcani conjux Venus est justissima, Cœli:
Et sine Volcano nil foret ipsa Venus.
Sed claudus, Cœli, est. Cæcus quoq; Cypride natus.
Quod fingunt Vates non ratione caret.

De Mulcibere.

Iupiter Alciden positurus in arce deorum,
Mulciberem puncto vidit abire suo.
Alcide, quâ re potuisti ledere fabrum?
Cum clavâ & cinctus pelle leoniferas.
Quod cudunt fabri, Te neglexisse ferebat.
Hoc meruit, dixit Iupiter, esse deus.

Venus à Diomedæ vulnerata.

Sit mihi, qui gemini matrem deformet Amoris,
Vt Diomedæa saucia facta manu est.
Non semper facies expers formosa dolorum est.
Prostat & in lacrimis integer oris honos.

Cupido saucius.

Læserat invento digitum sicilice Cupido.
Flevit, & hoc matri est questus Acidaliæ.
Fide puer, dixit genetrix ubi vulnera vidit;
Nam gravius, quem Tu fixeris, ille dolet.

In Chionen.

Nata annos Chione decem sive nocte propinquâ
Ad molles abeas thoros, sive luce diei
Infusâ evigiles, patris quatuorq; requiris
Fratrum svaavia. Iam tenes nectâr illud amantum ab
Matris indole: quæ suum svaaviata parentem
Et fratres pariter domi est, deinde juncta marito
Svaaviata manum est virorum ampliusq; trecentos.
Quid Tibi Chione velis, mene quærere credis?
Iam fassa es Chione, & diu mater antè professa est.

De Peninnâ puellâ,

Dotatis aliis sine dote Peninna relictâ est.
Pro dote huic faciem dixerat esse pater.
Et formosa fuit, quales hac dote probantur:
Distulit at genitor, nec tulit illa moras.
Accessit nauci pueros in ponte sedentes.
Nunc pater invenit, cui sine dote daret.

De Gelone.

Frequentat omnium Gelo convivium:
Applaudit his, quæ dixerint quæ fecerint:
Auscultat itidem, absentium si quem oderint.
Hunc salibus, hunc levioze pungit scommate.
Si prona sustulere risum pectora,
Gravioze verborum ferit convitio.
Nec hoc modo, sed & rem facit latrunculis,
Et improbâ turriculâ, & omnium æs hiat.
Paterfamilias bonus, homoq; urbanus est.

B

De

De XII mensibus & signis Zodiaci.

BIs sex sunt menses, totidem coelestia signa.
Post Ianum Februs, Mars, Cypria, Majaq; & Hera,
Et Iuli Augustiq; iubar, tum Quatuor imbres.
Hydrochoos, Pisces, Aries, Bos, Copula, Cancer:
Hinc Leo, Virgo, Bilanx, Pungens, Chironq;, Caperq;.
Ter denos Venus, Hera dies & Septimus imber,
Totq; November habet. Quisquis super, auctior uno est.
Solibus expletur viginti Februs octo:
In bissextili lux ampliùs additur anno.

Campus Elysius.

UTi ducimur rerum cupidine, ita senes
Pueriq; persuademur isdem copiis
Affluere coelitus demos. Sapientia
Qui amplectitur studium, beatis sedibus
Mentes quietas indigentes nullius,
Vt æquius, contribuit. Elysium nemo
Puerilis ætas hoc locorum collocat,
Vbi crepitacula tintinunt, sonant fides
Calamiq;, abunde porriguntur saccara,
Et quod bibitur onyche nitente, melleum est.
Est & ubi natu grandiores fingimus
De diis inepta & paria sæpe affaniis.

De Galloecâ.

Sæpe levis caussa est, de quâ Galloeca maritima
Multat, & insanas mittit in ora manus.
Sæpe & profubigit conantem surgere frustra,
Cum lacerat vestes dilaniatq; comas.

Si quid opus tamen est numo, sit blanda marito,
Et rogat à misero, sumere quod poterat.

Tapes Persicus.

Gentis Achemeniae veniunt textura tapetes.
Villosus Ligurum nunc jacet amphitapes.
Certet Hetrusca manus, Tigridi pugnaverit Arnus:
Memnonias nihil est Tuscum opus ad tapedas.

Tapes Indicus.

Visa mihi tapis est hyacinthina. Miserat Indus
Illud opus textor. Medos praepono tapetas.

In Menippen.

Esse ministrarum Veneris potes una Menippe.
Nam, quod credideras, non potes esse Venus.
Et famulae non sunt formosae Cypridos omnes:
Nec Tu formosi pars venis una gregis.
Discitur à turpi facie discrimen honestae,
Defenditq; satis se Venus ore Tuo.

De Marullo.

Occidit infami sartor brevitatem Marullus,
Peneq; contemptum fata cadentis habent.
A tabulâ vacuum conjux motura catillum
Non grave de manibus fortè remisit onus.
Ille viro impactus vocem suppressit & auras.
Laux eadem victum praebeuit atq; necem.

De Sole.

Tres simul egressas in mollia rura puellas
Vere novo-Titan viderat ipse novus.

Phyllis erat simo, sed adunco Gellia naso,
Lusca Lyris: pariter turba ea fronte brevi.
Quid non præterea Soli, qui videt omnia, vidit?
Nec vitio cervix nec caruere manus.
Lumina contraxit, condam mea sidera dixit:
Luce mea crimen turpia majus habent.
Sic ait, & toto diffudit in æthere lumen.
Leucothoën, aut huic viderat ire parem.

In Eurydicen.

Formosa Eurydice es, vel hoc videris.
Quod cernam, minimum liquere dico.
In formis puto Te quotidianis.
Si quid præterea potest videri,
Quod frontem & cilium & genas venustet,
Hoc à piccidibus Tuis novenis,
Hoc à candidulis Tuis serassis,
Hoc à purpureis Tuis venenis,
Et fuliginibus Tui camini est,
Hoc à commolitis decem farinis,
Quæ unà isto in myrothecio fracescunt.

Ad Gulielmum Foconium.

Sote Foconiade patriis dilecte Napæis,
Ritè Calydoniam tangere docte lyram:
Ionstoni Reges & Echlini legimus Ova:
Et Satyrum hunc unguem vidimus, unde leo es.
Non minor es tamtis in eadem gente Poëtis.
Hoc animo, hoc infer Te pede, major eris.

In Ponnatium.

Decem Poëtas Marcus Poëtifex
Hæc excavarit: in quibus Ponnatius

*Iuris peritus, ut puto nusquam editi,
 Nuper Heliconem fortè devio pede
 Ingressus, extremâq; Phœbum lineâ
 Silvasq; & antra fontiumq; margines
 Intuitus: Ille opus arduum & perutile
 Inceptat. Oddones, Myandros, Hirpios,
 Lyridas, Memippas, Calviasq; ac Mallias
 In versibus Zamelianis explicat,
 Hoc, illo, & altero alterq; anagrammate
 Tormenta mille, an tot potius ineptiæ.
 Chartaq; digna Merviano pulpito!
 Aded miser se conficit Ponnatiis
 Hanc eximendo illam assuendo literam,
 Modò hoc modò illud exputans vocabulum,
 Vti si his diebus latus utrumq; fregerit
 Novus maritus in suâ Pappoide.
 Has ubiubi nugas viderit Zamelinus,
 Inter aphedronis collocabit spongiæ.*

Ad Manium.

*C*Ras veniam Mani: meus unâ Dachius ibit.
*Vir Tibi visus hic est urbe, domiq; meâ.
 Villice, quid pones? simul illud villice quæres:
 Villice, da nobis lac butyrumq; recens.
 Quæres de dapibus; quæ non sine cade parantur:
 Numquid ofella Tibi est Puteolana? sat est.*

Ad liberos suos.

*Q*Uod puer audiui, vobis ego trado puellis.
*Nobilis è veteri Pruscorum gente Samiles
 (Corrupti vulgò annales dixere Namilen.)
 Cultor agri, Pronios quâ radit Surgana colles,*

Dum

Dum res ancipiti geritur Mariana Gradiuo,
 Arma fidemq; virum tacitâ pietate secutus,
 Certus opis cum dira fames pressisset egentes
 Christicolâs, ideoq; suis infanda Barufcis
 Supplicia expendens verubus religatus ad ignem,
 Et Germanorum missus semivstus ad arces,
 Autor erat generis nostri: Tustinus ab illo
 Proximus; hoc Laurens genitus, Laurente Tilomas.
 Hinc Clemens, Thomasq;, & ter repetita Jacobi
 Nomina descendunt serie crescente dierum.
 Ianus erat, quo sum proavo satus. Ille relicto
 Primus agro patriam nobis migravit in urbem.
 Hic genitor Simonis avi, fratrumq; duorum:
 Quos colui. Pater inde, meus cognominis, ortus.
 Palladis exsortes omnes, gens corpore firmo,
 Et cum bella forent, studiis asperissima belli.
 Nesciat hæc impune aliquis mea scripta legentum,
 At vos est æquum vestrosq; tenere nepotes.

Ad Appianum & socios.

DE Schnurfio quæ diximus novendecim
 Ecclesiaste rusticorum, integrius
 Vt noveritis Appiane, Callia,
 Ac Tu Quirine ea sollicitius exigens,
 Quasi. Sed habete: Extra urbis agrum Pastor est, 1
 Castus equidem, utpote sordidatus sordidus, 3
 Extra Orbem & hoc cælum meorum fascium, 2
 Est aliquid in sinu venustæ Drusidos,
 Est aliquid amplius, quod ambit improbè,
 Hinc Optimatum & hic & ille prenditur:
 Hinc caseos & hædulos fert Schnurfius,

Indignus

Indignus illo quo coaxat pulpito,
Indignus illo quo fovetur sumine.
Ad rusticos nihil ille nostros pertinet;
Nec pertinebit ut puto ille Schnurfsius.

Ad Cynthiam.

O Ctennis ludum fac Cynthia filius intret,
Cumq; sui paribus tiro decorus eat.
Instrue formoso, juvât hac ætate, libello;
Et matutino, cum parat ire, cibo.
Ne differ, tritumq; puta: Malè grandibus Hanfis
Hæc tradi, quorum est Hanspor antè rudis.

In Gelliam.

Est qui Te dicat speciosam Gellia. Differs
Exiguo: dici nam speciosa potes.

Ad Sextulum.

Paulus habet fundos: si quæris Sextule quantos?
Quantos una sibi sumere villa potest.

In Malliam.

Mallia totius traducta est scommate nasi.
Surgit enim in tumulos asper, habetq; sinus.
Dixerat Antimachus (salis huic & splenis abunde est)
Da possim in sinibus virgo jacere Tuis.
Mallia de gremio dictum intellexerat illud.
De nasi scrobibus mens erat Antimachi

De Icto & Medico.

E Vagoræ Medici Circellus Rabula caussam
Egerat: hunc medicâ juverat ille manu.
Clinicus indomitæ captabat præmia linguae,
Causidicus Medici. Falsus uterq; fuit.

Patronus

Patronus Medicum defendere deinde negabat.

Patrono Medicus deinde negabat openz.

De Christinâ.

Non bene par impar thalamo conjungitur uno.
Non bene d. fficili est juncta puella seni.

Cum sene transegit noctem Christina marito:

Cum sene post nullâ nocte dieq. fuit.

Maluit absq. domo Geticos habitare Triones.

Nudaq. pastorum vivere cum pueris.

De Istulâ.

Sicanus Phario certaverat Himerâ Nîlo:
Venerat in litem Vandalus Isla parem.

Quæsitum, ex illis Cerey qui gratior esset.

Illum amat, istum amat, hunc asserit alma Ceres.

Sufficit iste Asiæ populis, alit ille Latinos,

Hic Orbem immensum: sic ait ipsa Ceres.

Ad Lectorem.

Iam tertiâ, Lector, meorum Epigrammatum.

Donavimus Te pempade: at si computes

Hac quicquid in populum rubricâ est editum;

Epigrammatum tres decades extant amplius.

Herôas etiam & arva & cetera cecini.

Vt desinam Poëticorum lusum.


Alia admonent: etas, & inimicum otio


Negotium. Satis inde famæ & nominis:


Nisi si deorum cultui hæc accessio est,


Nisi si hostium nescit modum protervitas.


Minimè tacendum in causâ utrâq. putavimus.
















51470019523

Biblioteka Jagiellońska

